

TE KOTAHITANGA O NGA TAMARIKI O TE AUTE KARETI.

No Oketopa o te tau ka huri (1928) ka whakaturungia he peka o tenei Kotahitanga ki Akarana. Tiamana:—Atarikiona H. A. Hokena. Teputi Tiamana:—Stubbing. Heketari, Peeke. A. E. Prebble.

He whakaarahanga hou ake ano tenei i te Kotahitanga a nga tamariki o te Kareti o te Aute. Ko te tumanako kia kaha mai nga tai-tama kua mutu te kura i te Aute ki te whakatu peka mo tenei Kotahitanga ki o ratou waahi puta noa te motu. Kua whakaaetia e te mahita tumuaki e E. G. Loten. ko A. E. Prebble heketari o te peka o to Akarana hei heketari mo te Ropu i naianei. Kia tu ra he hui topu ka whakatutu ai i nga apiha o te Ropu. Ki te Aute Kareti tonu te Tari tumuaki whakahaere i nga tikanga katoa mo tenei Kotahitanga.

I te tunga o te hui a te peka o Akarana i paahitia te motini e whai ake nei:

“Ma te Hekeretari e tuku ki te Reo o Aotearoa te whakaatu ki nga tamariki tawhito o te Aute kua whakaturungia he peka o te Kotahitanga ki Akarana, me te tono atu ki nga mea a watea ki te tae mai ki Akarana kia matua whakaatu mai ki te Hekeretari kia whakamanuhiritia ai i runga i te wairua he taina he tuakana.”

Me tuku mai e te hunga katoa i kura i te Aute o ratou ingoa. Kainga, mahi, ki te taea, nga tau i kura ai, ki te Hekeretari. Ko te hiahia kia whakaturungia he nupepa (Magazine) hei toha i te aluatanga o te hunga kua kura me te hunga a kura ana. E tika ana kia mohiotia mo nga tamariki anake i kura ki te Aute tenei Kotahitanga.

E ora ai e tipu ai tenei Kotahitanga me kaha mai te awhina a te hunga i kurangia ki te Aute.

Tukua mai a koutou e mohio ana ki te Hekeretari (Secretary), Te Aute Old Boys' Association.

4 St. Stephens Avenue,
Parnell,
Auckland.

Ka ora te mare i te **WOODS' GREAT PEPPERMINT CURE.**

Te rongoa tuatahi mo te mare mo te matao mo te puru **WOODS' GREAT PEPPERMINT CURE.**